



Razbojništvo i pronalazak droge

Dana 18.12.2022.godine u 20,55 sati, obaviještena je PU Ilidža da je u ulici Edhema Eke Džubura, općina Ilidža, od strane NN lica izvršeno krivično djelo razbojništva nad uposlenicom u sportskoj kladionici "Premier". Tom prilikom maskirano NN lice je uz **prijetnju vatrenim oružjem** otuđilo **određenu sumu novca**, a potom se udaljilo u nepoznatom pravcu. O prednjem je obaviješten dežurni tužilac Kantonalnog tužilaštva Kantona Sarajevo, a uviđaj su obavili policijski službenici Uprave policije MUP-a Kantona Sarajevo. Radeći na rasvjetljavanju pomenutog krivičnog djela, policijski službenici **su pronašli i** lišili slobode lice **S.R.** rođen **1994.** godine, nastanjen u Sarajevu, zbog postojanja osnova sumnje da je počinio krivično djelo iz člana 289. KZ F BiH (Razbojništvo). Prilikom pretresa kod istog su pronađena i oduzeta dva paketića sa materijom koja asocira na opojnu drogu spid. Isti je izjavio da je pronađenu drogu dobio na poklon od B.M., dok je boravio u njegovom stanu u ulici Ustanička, općina Ilidža, te da je izvršio razbojništvo u navedenu sportsku kladionicu, a otuđeni novac ostavio ispod saksije u stubištu zgrade, koji je pronađen. Na tavanu zgrade u ulici Ustanička, pronađena je i izuzeta torba sa gasnim pištoljem i odjećom koja je korištena prilikom izvršenja krivičnog djela razbojništva. Lice **lišeno slobode** je predato u prostorije za zadržavanje osoba lišenih slobode MUP-a Kantona Sarajevo. **Osumnjičeni** B.M. je pronađen u stanu i lišen slobode, zbog postojanja osnova sumnje da je počinio krivično djelo iz člana 238. KZ F BiH (Neovlaštena proizvodnja i stavljanje u promet opojnih droga), koji je nakon završene kriminalističke obreade, po nalogu dežurnog tužioca KTKS, otpušten iz službenih prostorija. Policijski službenici nastavljaju rad na dokumentovanju pomenutih krivičnih djela.

19.12.2022